

"كنا بنحاول لا ناكل ولا نشرب عشان مغيث حمام" حكاية ناهد ونورا وميادة في قسم شرطة المنصورة

ناهد محمد توفيق امرأة مصرية تعول أسرة من ثلاثة أبناء هم عبده أحمد عبد الرازق (19 سنة) وعماد أحمد عبد الرازق (20 سنة) ونورا أحمد عبد الرازق 14 سنة وميادة أحمد عبد الرازق 12 سنة.

كانت المقابلة يوم 18 سبتمبر 2007 في منزل ناهد محمد توفيق في قرية سلمون القماش بالمنصورة.. منزل صغير لا يوجد داخله أي نوع من البلاط أو الخشب.. أرضيته طينية.. به غرفة واسعة في الدور الأول بها حوالي 4 ماكينات خياطة تريكو، تسميها ناهد "مصنع"، وعشرات القطع الصغيرة التي كان ابنها الثالث - الذي لم يسجن - يقوم بحياكتها.. هناك سلم طيني تملأه الشروخ في أعلاه غرفة نوم صغيرة.. بالدور الأول أيضا مرحاض عبارة عن حفرة في الأرض.. جميع الدواليب مكسورة وكذلك الأدراج وبعض الأبواب!!

تقول ناهد:

"بالذمة ده منظر بيت أصحابه بيتاجروا في المخدرات.. طب كنا بلطنا الحمام.. احنا ناس كويسين.. أنا وولادي الثلاثة كنا بنشتغل في المصنع وبنورد جاهز.. طول الليل بنشتغل التريكو ونكيس ونودي مصر!!

"المشكلة بدأت من سنتين.. اشتريت أرض مباني جنبنا.. أولادي قالوا لي لازم نقل المصنع لمكان ثاني به البيت.. اشتريت كل حاجة خرج بيت.. الخشب والبلاط وكنت بأبنيه شويه شويه.. كنت بأسرح بحصير واشتريت مكن عشان أشغل العيال.. بنينا بالقسط حته حته.. جنبنا الخشب وطوب..

"البيت كان جه له أمر إزالة.. أنا كنت بره.. دخلوا عليه بالبلدوزر هدوه.. ومش اکتفوا بكده، لأ كمان بيدوسوا على الخشب والطوب يخلوه زي الدقيق.. داسوا على الطوب مرتين.. جيت من بره تعبانة الناس قالوا لي عليك العوض.. أنا كنت بأصرخ وأقول لهم حرام عليكم.. أولادي حاولوا يلماوا أي حاجة.. محمد قنديل قال للمخبرين: هاتوا لي العيال دول من فوق.. لموهم، وهددوهم يلبسوهم قضايا.

"يوم 14 يناير 2007 عيالي كانوا قاعدين على الممكن بالليل.. الساعة 11 دخلوا على العيال بشوم وسكاكين وسيخ.. أنا كنت فوق.. وأبوهم مش موجود.. لقيت العيال يتصرخ ومجرحينهم جر.. قابلونني على السلم.. ضربوني بالشوم على دماغي ودراعي ووركي.. أخذوا العيال.. عمي لفقوا له قضية سلاح.. وابن عمي لفقوا له 13 ورقة بودرة.. بس كله تلفيق لان عمي طلع براءة.. شيلوا العيال قضايا بانجو وكل عيل أخذ 3 سنين سجن.. كنا بنروح جلسات المحاكم بتاعة الأولاد.. كنت بأخاف أروح الزيارة..

"تازي يوم ما ضربونا رحمت مستشفى المنصورة العام وعملت تقرير طبي.. كان عندي اصابات وتكسير عظام وأوجاع في غضاريف الظهر.. وقرروا لي علاج 21 يوم.. رفعت دعوى قضائية على محمد قنديل ومحمد معوض واستمرت التحقيقات في نيابة المنصورة ست شهور.. وقدمت شهود شافوا الضرب جوه البيت وبرضه النيابة ما > ولتش الضباط للقضاء (النيابة لم تستدع حتى المتهمين).

"فيه غفير اسمه "سالم النحاس".. كان بيخطط لمشكلة مع جوزي.. كان بيقتل خناقات.. عشان يمسكوه.. وبالفعل هدده بالسلاح في شهر يوليو السنة اللي فاتت.. عمل له كمين عشان ياخده.. ومسكوه فعلا وربطوا ايديه ورجليه وقبل ما يحطوه في العربية قامت مشكلة كبيرة في البلد.. الناس اتلمت من كل حطة وسحبوا أحمد جوزي من البوكس بالعافية.. هربنا.. وسبنا البيت وهم

قعدوا يدوروا علينا.. واحتلوا البيت وكسروه زي ما انتم شايقين وقبضوا على كل اخواتي من قري تانية..

عزيزة محمد توفيق.. ضربوها بالخرزانه وجابوا اتنين مخبرين عشان يقلعوها هدموها قدام الأسرة.. أخوها صرخ وقال للضابط أنا بدالها.. اعمل في اللي انت عاوزه...

عايدة محمد توفيق: تعرضت هي الأخرى للتعذيب.

السيد محمد توفيق: لما تدخل عشان يحمي عزيزة من خلع هدموها أجبره ساعتها الضابط على تقبيل حذاءه وداس على راسه بالجزمة ثم حلق له على الزير و وأمره بان يوقع على أي جريمة يختارها له وبالفعل أجبره على التوقيع على سرقة سيارة (صاحب السيارة رفض توجيه اتهام لشخص لا يعرفه). ساعتها قام قنديل بإلغاء المحضر وحرز له سلاح. السيد أيضا تعرض للتعذيب حيث قام رجال الشرطة بتعليقه عاريا وكهربته في هذا الوضع أكثر من مرة.

بعد أيام ألقى القبض على ناهد!

تقول ناهد:

"قلعونا كلنا هدمونا وعلقونا على الأبواب وبقوا يشدوننا من الثديين وبرفوعونا لفوق، وأنا قصوا شعري وكهربوني وعلقوني على الباب وربطوا في رجلي أنبوبة بوتاجاز وتركوني عشر أيام ايدي مربوطة في الحديد وعينينا مغمية أغلب الوقت ومنعونا من دخول الحمامات.. عملنا على نفسنا أكثر من مرة.. كنا بنحاول لا ناكل ولا نشرب عشان مفيش حمام..

"بننتي عندها 12 سنة عملت على نفسها الوسخ.. كانت بتعيط مش عارفه تعمل ايه.. أربع أيام مفيش حمام.. قلت لها اعلمي يا ماما! ومسحت لها بهدومي!! فرجونا على اللي بيتعذبوا.. شفت واحد عريان ملط بيتكهرب والأطفال شافونا طول عشر أيام أنا وخالاتهم بتعذب. كانوا بيتنقموا منا عشان ما عرفوش يمسكوا جوزي.. طب ما هو موجود أهه قدامهم!!"

نورا ومياده احتجزوا مع أمهم ناهد وتعرضوا للتعذيب.. "انضربوا، وهددهم الغفر أكثر من مرة بخلع الملابس والاعتصاب!"

بعد أن مر 10 أيام على تعذيب ناهد - وبعد ان تفجرت قصة التعذيب في تلبانه - نقلوا ناهد إلى البرامون هي وأولادها في حالة يرثى لها من الجراح والآلام والقذارة.. هناك أحضر لها الضابط عصام تليس صابون لها ولبناتها كي تستحم، كما أحضر لها ملابس بديلا عن الملابس الغارقة في القذارة.

نزلت ناهد النياية في نقيطة بعد 13 يوم من انتهاء التعذيب.. تقول:

"أخدوني من غير بناتي.. كنت مرعوبة على البنات لدرجة إنني ما ركزتش مع وكيل النياية على واقعة التعذيب.. لكن حاولت أحكي له"

ناهد لا تعلم إذا كانت عملت بلاغ تعذيب أم لا.. كما أن وكيل النياية لم يعرضها على الطب الشرعي!!

سبتمبر 2007